

atir du Rouergue et de l'Auvergne.

35343. - 1

C A N S . O U

ROUERGASSO,

Fatjo à l'ouccasiou de la Messo que l'Intrus
de SOUMART anguet dire à la Gleyo
de St. Marti de LAGUEPIO, à
l'inbitatiou de ROUCADOU et
PHILIP.




A R O U D E S.

1800.

192
ЧАСУЮЩА

192




CANSOU ROUERGASSO,

*Fatjo à l'ouuccasiou de la Messo que l'Intrus
de SOUMART anguet dire à la Gleyo
de St. Marti de LAGUEPIO, à
l'inbitatiou de ROUCAUDOU et
PHILIP.*

*Sur l'ayré : Or écontez petits et grands,
L'histoire d'un ingrat enfant.*

**ROUCAUDOU et PHILIP chez l'Intrus
de SOUMART.**

» A-DI SIAS, Moussu lou Ritou ,
» Co li diguet LOU ROUCAUDOU ,
» Bous fasen pla la capellado ,
» Et sen benguts en embassado ,
» Per bous inbita de veni
» A la gleyo de St. Marti.




» La faren bien derantela ,
» Bien espousca , bien baratja ,
» An la baratge de LA DOUATO , (1)
» Et SUZON et LA ROUJEIRATO
» An de ribans et de faudars ,
» Endimentcharan lous autars .

(1) Noun de la fenno que prestet la baratge.


» Nostro mama proumet sieis frans
 » Al plat aures mai de sieis blans ;
 » Et PHILIP , nostre bon patrioto ,
 » Bous fara fa grando riboto.
 » Bous seres ambe de bedél
 » Tratat coumo'n poulet garrél.



» Messius bous sés lés bien bénus ,
 » Co respondét moussu l'intrus ,
 » Et perqu'aimés la républico ,
 » Jé né feraï dé féçons brico ,
 » Et dimanche vers lé matin
 » Jé mé rendraïs à Sent Martin.



» Sé mé dounies cinquante écus ,
 » La soupe et lé vin par dessus ;
 » Avec ça j'en aurais dé resto ,
 » Er jé biendrais les jours de festo ,
 » Per bous servir exactéman
 » Pendant tout l'espace d'un an.



» Aïci gagne pas un dinié ,
 » Dampuis qué mé suis décrié ,
 » Per avoir eu bounes étrennes
 » Dé force de mes parroissiéennes ,
 » Qué sans consulter leurs époux ,
 » Mé transmettaient dé brabés sous.

» Sé n'étoit la réquisition ,
 » Qué mé fait grande sensation ,
 » Je m'en irais à las cabanes
 » Y contugner mes carabanes ;
 » Et , proutegé par GIBERTÈS ,
 » J'y sirois mieux qu'aucun pagés.

L'intrus pot pla parti se bol ,
 Jeou nou'n cargaraï pas lou dol ;
 Mes toutes saben pla qu'ANNOTO ,
 Quoique sio sa grando deboto ,
 Eatén que li rando'n parten ,
 Sas dos mesuros de froumen.

Quand aquel dimentche arribet ,
 Moussu l'intrus s'amatinet .
 Verjeren beni lou Cartouchò ,
 Ambe son ér sento-ni toucho ;
 Montat coum'un espoubental ,
 Sur la sio mitat de tchaval .(1)

O b'aïço fouet un bel tjournal !
 Aquel mati tout lou trabal
 De las zelados marguelleyros .
 La de JAQOU , la de ROUJEYROS ,
 Se trouvet tout enrambouillat.
 Et pel la gleyo 'scampillat.

(1) L'intrus a un tchaval de mitat ambe un nouimmat RE-
 VELQU.

» Cal que calcun aquesto nex
 » Nous atjo fax aquel despiex.
 » An preses lous bans , mes degayre ,
 » Descoufen-nous la del CARDAYRE ;⁽¹⁾
 » Quitten espillos et ribans ,
 » Et que s'accoumodou lous bans .

Saï pas se l'intrus fouet matat ,
 Quand el trouvet l'autar curat ;
 Y atjet pas de peyro sacrado ;
 Qualqu'amarbit l'abi' amagado .
 Mes s'en tchauto be , lou pinsou ,
 El cerco pas tant de faïssou .

BATISTO fourniguet lou vi ,
 Amai pourtet per plat-bassi
 Un tros de sieto mar lavado ,
 Que li fouet memes reproutchado
 Quand diguet à sa CATINOU :
 La poudios fa tourca'n bricou .

S'atjesses bist aquel mounart ,
 Ambe son aïre papelart ,
 Coussi fasio la douço mino ,
 Lou grand devot , lou jan-farino :
 On l'aurio pres per un agnél ;
 Mes que n'a pas ne que la pél .

(1) Aquello feno et las margulleyros quitterou lou riban del cap
per tourna arrenga l'autar.


N'aven pas ausit lou sermou
 Que faguet aquel loup-garou ,
 Sans douté y troubarian matiero ,
 Per contugna nostro carriero ,
 Mes un cadu s'es contentat
 De dire qu'avio pla cridat.

Et qu'espéra d'un Belzebut ?
 Boulias-vous qu'un moustre cournut
 Pretched coumo'n pastour fideli ?
 Deouget estroupia l'évantgeli ,
 Outratget la divinitat
 Et desproufretget la bertat.


Cregnet pas , lou proufanatur !
 Que qualqu'autjo exterminatur
 Nou descendes sur la cadieyo ,
 Lou prengues , et , testo permeyyo ;
 Lou te saques d'en haut en bas ,
 Per que may la proufanes pas ?

Y-atjet aqui de sent-peyrols ,
 Presque toutes lous soumardols ,
 Amay la deboto ROUCAUDO ,
 Que se tustabo sur la faudo ,
 Diguem : » Malapesto ! aici son
 » Touto soulo de'l cap del pon ?


» Ah ! s'atjessi cregut qu'aici
 » Me plantariou per reberdi ,
 » N'aurio pas fax mario-mecles
 » Al miex d'aquel ses bels espiegles ;
 » Seri'anad'à la SIRGARIO ,
 » Beyre ma fillo que fasio.



» Jeou cresi pas que mon escut
 » Fousques sourtit de'l rescondut
 » Encaro l'aurio dins la potcho ,
 » Al loc que sabi pas oun lotcho .
 » Mes que me servou mous tchagrins ,
 » Quand lou pouli n'es plus dedins ?



Serio pla loungo la cansou ,
 Se cansounaven pauc ou prou
 Lous bels debots de trufaduros ,
 Que , coumo de figos maduros ,
 Erou benguts torse lou col
 A'l sacrilegje de'l co-fol. (1)



Praquo me semblo farian mal ,
 Et dirian pas tout ço que cal ,
 Se parlaven pas de sa maire ,
 Que se trouvet aqui , peccaire !
 Et que fet un bilen tjournar
 Quand acoutchet d'aquel cafar.

(1) Chien enragé.

Nous cal pas ta-pauc oublida
 Lou cap de l'an de'l lendouma ,
 Que fet fa la beouso ROUGEYROS ,
 An las amigos coustumieyros ,
 Et LA FABRESSO DEL BALAT ,
 Que servis Dious de tout coustat.

A que pensas , grands estourdits ,
 D'escouta de parels maudits ?
 Creses qu'en seguen lour douctrino
 Bostr'amo drex al cel camino ?
 Destrompas-vous , paures nigaus ,
 Y-anares drex coumo'no faux.

Sabes be que lou seductur ,
 Lou mercenari , lou boulur ,
 Que dintro pel la falso porto ,
 Estropio tout d'estranjo sorto ;
 Et coumo'n loup dins un bercal ,
 O-s-enbentro tout à bel tal.

Dises qu'a l'aire capella ;
 Mes b'autres comprenes be pla ,
 Que lou mantel fa pas l'ermito ,
 Et que tjouts un ér chatomito ,
 Se pot rescondre un apostat ,
 Un iscarioto , un renegat .

Que bous servis la coufessiou
 Que fases a-n-aquel jousiou ?
 Poudes pas fa pu grando péco.
 Son absoulutiou es buféco ;
 Et luen de sourti del fangas
 Tjusquos al col bous y margas.

Paures avugles , creses-m'en ,
 Sourtes de bostre egaromen ;
 La bouno gleyo bous reclamo
 Et planch la perto de bostro amo.
 Per uno prompto conversiou ,
 Adoucisses son afflictiou.

B'autres qu'abes crompat lou be , (1)
 Borios , mouri , fourest ta-be ;
 Qu'al castel feres lou pillatge ,
 Quittas m'encaro aquel bagatge ,
 Et revenes à la rason .
 Mes contugnen nostro cansou .

Quand aquel tros de petarri
 Fousquet arribat al mouri , (2)
 Miex aganit , dents asugados ,
 Et quand arjet las mas labados ,
 Trouverou que tout lou fricot
 Ero rumat coumo'n carbot .

(1) Del segnour.

(2) Chez PHILIP mourigne.

Haï ! lou meou paure fricandeou !
 Diguet PHILIP , et baï t'en leou ,
 Janno , querre d'autro pitanco ;
 Perque pousquan ussia la pансo ,
 A-n-aqueste brabe curat ,
 Autromen dit bentre curat .

S'atjes agut de conception ,
 Aurio compres que lou bon Diou
 Lou bouljo fa pens'à la flamo ,
 Dont sera cremado son amo ,
 Quand anara pava l'ifer
 An lous dannats et Lucifer .

Car aco's lou sort que l'atten ;
 A mens qu'un tjoun pla peniten ,
 De larmos dos grandos revieyros
 Nous ratjou de sas dos paupicyros ,
 Per escanti lou fioc assrous .
 Mes tournen à nostres moutous .

Binto set liouros de bedel
 Lour passerou pe l'gargamél .
 Beouquerou toutes à rasado ;
 Et la bouteillo fouet birado
 Trento-set cops amai lou mieix ,
 Et n'erou pas que naou ou dex .

Auriou bourgut que lou boutché
 Amb'elses fouesso de metché :
 Ferou pla coubida PHILIPÔ ; (1)
 Mes fousquet pas prou grando nipo :
 » A grand-marses , soui pas ta sot ,
 » Pagario loh pu bel escot ». A

Uno fillo , pe'l enganél ,
 Boulguez agatja de couo dé'l
 La mino d'aquel democratô ;
 BATISTO y crido : » Aristocrato ;
 » Aqueste oustal es enfetat.
 Sans boule disio la bertat.

Quand fouerou toutes avenats ,
 Moussu l'Intrus diguet : « Goujats ,
 » J'avons trop rempli la bedeno .
 » Faudrait faire quelque fredeno
 » Per adujer la digestion
 » Car je suis plein comm'un brougnon. (2)

Alaro de sa gravitat
 L'Intrus despouillet la mitat .
 Saï pas se fet quatre crombimbos ,
 S'en l'ayré fet sauta las guimbos ;
 Mes à pé-tjunts , ou perlinquet ,
 Te fet cinq sauts sur un banquet .

(1) Nom del boutché.

(2) Ruche à miel.


Un tjoun aquel tros de tignous,
 Aquel puden , aquel rougnous
 Aurio bourgut carga la rougno
 Et sa schimatico besougno
A LA MARSARO de Soumart.
 Mes b'el fousquet randut camart.

Aquelle feno an son patois
 Bous confondet aquel matois.
 An la douctrino catoulico
 Lou mettet al sac sans replico ,
 Et li demoustret en un mot
 Qu'ero'n loup , un intrus , un sot.


Disou qu'un cop an REBELOU ,
 Saï pas trop per qu'uno rasou ,
 Coumo dous pouls s'accanifrerou ,
 Se debourrerou , trigousserou .
 Beleou lou tchaval de mitat
 Fousquet causo d'aquel sabat.

Quand lou tartufo tourmara ,
 Nous prouposan , per l'hounoura ,
 D'ana crida toutes : Oubéssø ,
 Que lou loup n'importe la péço ,
 Abalisco lou patari ,
 L'intrus , l'irex , l'horre mouni .

Be lou tems , et tardara pas ,
 Oun beyren aquelles Judas ,
 Que detja la misero rontjo ,
 S'ana rescondre de bergoutjo ,
 Confuses et demarriourats
 Coumo barbeous empoutingats.




Alaro lou pastour fidel
 Sera randut à son troupel ,
 El s'armara de la baratge
 Per cassa tout aquel bagatge .
 Cresi qu'aquele tems n'és pas leu ,
 Qué bengo leou. Amen. Amen.



Emboi à l'intrus de Soumart , lou 1.er Janvier 1800.

Lou permie de l'an es bengut.
 Se bous embouyabi'u escut ,
 Beleou , moussu , bous fario peno .
 Reçavez donc per mon estrenno
 Aquesto pourido cansou .
 Bous fara rire ? Beleou nou.




Emboi à-n-aquelles qu'aï cansounats.


Bous aï pas trop escarraugnats ,
 Quoique bous atjo graupignats ,
 Fennos , ROUCAU , PHILIP , BATISTO .
 Me fes pas donc la mino tristo .
 Mes per aquel maraut d'intrus ,
 L'aï deougut trata coumo'n gus .

Emboi à M. lou Priou de St.-Martì.


Un pastre de pe'l segalar
 Revet , en garden son bestiar ,
 A bous fa fa 'n repais de rire. . . .
 Me semblo bous entendre dire :
 Ah ! lou drolle de cousinie !
 Betjen coussi va son mestie.



Tastas. Sa sarsò va pas mar.
 Y trouvares pebre amai sar.
 Li pares bien assasounado.
 Y-a pas mes forço catsounado ;
 Mes de pebrinos à tjuntjats ,
 Et de moustardo à culleyrats.



Creï pas qu'un certen intrusot
 Siosco gourman de son fricot.
 Se'l tasto n'escupira' n'houro.
 A mens tournara pas à l'ouro ;
 Et dira : » fi d'aquel farnat.
 » Abalisco ! m'a' npouïsounat.



Mes bous , Moussu , qu'abes bon goust ,
 Serez tcharmat de son ragoust.
 Bou'n lequares tbusquos a's couïres.
 Coubidares
 et d'autros tgens
 A beni s'en freta las dens.

E S T È B E.

